



Ucapan Perdana Menteri Mengenai Undi Rosak dan Dasar Masa Depan Barisan Nasional

NAJIBRAZAK.COM

9 Februari, 2018

Assalamualaikum Warahmatullahi Wabarakatuh

dan Salam 1Malaysia.

Rakyat Malaysia yang dikasihi,

Saya dimaklumkan bahawa baru-baru ini wujudnya gerakan mahu merosakkan undi mereka kerana berpendapat yang bahawa parti politik Kerajaan dan pembangkang kedua-duanya tidak menguntungkan rakyat, maka merosakkan undi adalah jalan yang terbaik.

Memang ada kelemahan di kedua-dua belah pihak, namun jika rakyat tidak mampu menilai kami dari segi kelemahan, adalah lebih baik anda memilih berdasarkan pembangunan yang dihasilkan antara parti Kerajaan dan pembangkang.



Berbeza dengan pembangkang, banyak pembangunan infrastruktur negara seperti MRT, Jambatan Pulau Pinang 2, Tun Razak Exchange 106, KL118, UTC, RTC, Kota Iskandar, ECRL, HSR telah dan sedang dijalankan oleh Kerajaan.

Dan ini semua menambah peluang pekerjaan dan juga peluang perniagaan. Malah program-program tambah kuasa beli yang telah kami jalankan seperti dana keusahawanan, subsidi perubatan, pendidikan, skim-skim latihan seperti SL1M, rumah mampu milik seperti PR1MA, menjadi bukti yang semua ini adalah demi pembangunan negara dan meningkatkan kualiti hidup rakyat.

Berbeza dengan pembangkang, negeri-negeri ditadbir mereka mengenakan cukai tanah melambung tinggi sehingga 1,671 peratus di Pulau Pinang dan 300 peratus di Selangor.

Di Pulau Pinang, tak cukup dengan skandal banglo, baru-baru ini muncul pula tuduhan skandal raksasa terowong dasar laut Pulau Pinang.

Kita sudah ada dua jambatan Pulau Pinang, apa perlunya dibazirkan wang rakyat membina terowong dasar laut itu.

Jika dibandingkan, Kerajaan BN konsisten dalam membawa pembangunan di negara ini, sekaligus menjamin masa depan setiap rakyat Malaysia.



Tidak perlu rosakkan undi anda, pilihan terbaik untuk rakyat adalah jelas sekali.

Sekian sahaja dari saya.

Wassalamualaikum warahmatullahi wabarakatuh.

© 2017 NajibRazak.com. Hak Cipta Terpelihara

Source: <https://www.najibrazak.com/bm/blog/ucapan-perdana-menteri-mengenai-undi-rosak-dan-dasar-masa-depan-barisan-nasional/>